



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

7. Quæ res, quiue morbi sint mors bestiarum?

**urn:nbn:de:hbz:466:1-45701**

Tot species tantosq; ortus, variosq; nouatus  
 Vna dies aperit, conficit una dies.  
 Conquerimur; Natura, breuis quod gratia florum est,  
 Ostentata oculis, illico dona rapis.

Et, nescio cuius Poëtae, monitio fuit:

Collige, virgo, rosas, dum flos nouus, & nona pubes,  
 Sed memor esto auum sic properare tuum.

De ceteris animalibus quid dicam? quoties maectantur, reluctan-  
 tur, & clamant. Quid clamant? nisi eiusdem nos naturæ esse,  
 itidemque mortem, per cædes, per vulnera, aut morbum subi-  
 tutos. Et hac ipsa de causa fecit quoq; Dominus DEVS Ada, & Gen. 3. 10.  
 uxori eiu tunicas pelliceas, & induit eos, vt in exuuijs mortuorum  
 animalium mortis non obliuiscerentur, sed recordarentur, se re-  
 uersuros in terram, de qua sumpti erant.

In huius rei signum tot tamque varia morborum genera  
 bestias infestant. Pests accedit lanigero maxime pecori. Scabies  
 equis mortifera. Tussis sues, equos & oues angit. Angina morbus  
 iuuenca necat & sues. Alopecia morbus vulpium. Asthma in equis  
 incurabile. comitiali morbo infestantur capra, oues, equi, cati, alce.  
 Vicula (aly vinula) equos occidunt. Tres acutissimi morbi equis,  
 & alijs, quibus solida sunt ungula, accidunt, vesica, conuersio intestino-  
 rum, qua ileos vocatur, & cardiacus, juxta Hieroclem. Oues & ca-  
 pra numquam sana sunt, semperq; febrì obnoxia. Elephantiasis morbus  
 bouum, & equorum. febrì tentantur equi, leones, boues, oues, & capra  
 semper, mulus raro. Patuit ceruos numquam febrescere, scribit Soli-  
 nus. Ficus & frenes morbi equorum, quorum hic duas inter horas ali-  
 quando eos occidit. Hernia ex calcitratu equos occidit: ignis sacer oues.  
 Mulis pestis, cuius multa species à Vegetio numerantur, bobus, equis,  
 & asinis exitialis. Cristiasis morbus equorum, latinè hordeatio. Coriagio  
 pestis bubuli generis & equorum. Dracunculus vermis equos vexat,  
 item dysuria. Hyosciamo poto sues insaniant. Potomageton herba cro-  
 codilis contraria. Rhododaphnes flores, & folia mulis, asinis, capris, ca-  
 nibus & quadrupedum plurimis; salina capris, & ouibus; scrophularia  
 suillo generi, mandragora mala vrsis venena sunt. Adamantis herba  
 leonibus est aduersa. Aconitum lycoctonon omne animal occidit, alij  
 addunt, omne animal, quod cacum nascitur. Apocynum canes, &

VII.

Ioan. Euseb.  
 Nierenber-  
 gius lib. 7.  
 Nat. hist.  
 cap. 47.

omnes quadrupedes necat in cibo datum. Allium mustela, & panthera aduersum. Herba, quam nostri anserinum pedem vocant, suis venenosa est. Squilla contactu lupus torpet. Vulpes aiunt, si ederint amygdalas amaras, nec superbiberint, mori. Fimum gallinae à bone inter pabula sumptum, bouem necare dicitur. Cicuta herba ab asinis depasta in Tuscia, grauissimum illis soporem inducit, adeo ut mortui videantur. Conyx am edentes capra moriuntur. Crocodilus terrestris crocum timet, unde quidam eum dictum existimant. Chamaleon albus canes, sues, mures; helleborus niger equos, boues, sues occidit. Tot sunt reliquis animalibus pluresque & morbi, & morborum causa. Nam omnes enumerare nimis prolixum foret; &, vel medicorum confessione, aliquid tentare, quod nullius adhuc diligentioris industria aut experientia est consecuta, presumptio videtur.

## VIII.

Ecclef. 3. 7.

Hebr. 13. 14.

Iob 30. 19.

Iob 7. 5.

Psal. 38. 6.

Rom. 8. 20.

Sap. 9. 15.

Rom. 8. 20

Inter tot morbidos degentem hominem quid mirum est, & ipsum esse morbis subiectum? Exigit hoc natura loci, originis, societatis. Natura loci, quia suis spatijs transeunt uniuersa sub calo. Solusne homo vult manere, contra effatum illud? Non habemus hic manentem ciuitatem, sed futuram inquirimus? Ipsam originem suam si aspiciat homo, quid videt, nisi vnde dicat: Comparatus sum luto, & assimilatus sum fauilla, & cineri. aut: Induta est caro mea putredine, & sordibus pulueris cutis mea aruit? Quid faciam? ex me homine Angelum? sed istud, hoc loco, non faciam, quia uniuersa vanitas, omnis homo viuens, & sub calo omnis creatura vanitati subiecta est. Nam corpus, quod corrumpitur, aggrauat animam, & terrena inhabitatio deprimit sensum multa cogitantem. Quia igitur in hac terra omnis creatura vanitati subiecta est, in alia terra sperare debet incorruptibilitatem, quoniam ipsa liberabitur à seruitute corruptionis. Itaque contra seipsum instituit querelam, quisquis murmurat de naturæ suæ debita corruptione. Neque ceterorum animalium societas, & subsidium aliò respicit, quàm ut nos velut conducat, ad miseras nostras corruptionesque agnoscendas. Quorsum enim Creatoris nostri prouidentia tot condidit iumenta, armenta, greges, nisi ad fragilitatis nostræ sustentandæ subsidium? Alia enim animalia terram nobis colunt, alia onera nostra portant, alia corpus protegunt, alia nos alunt. Rursus alia seruiunt delicijs nostris, alia sunt in custodia, alia